

OHR i EUSR pozdravlja usvajanje Zakona o sukobu interesa u Federaciji Bosne i Hercegovine



OHR i EUSR pozdravlja današnje donošenje Zakona o sukobu interesa u institucijama vlasti Federacije Bosne i Hercegovine, koji je Dom naroda usvojio u hitnom postupku. Ovaj zakon je stupio na snagu u ključnom trenutku s obzirom da se njime uspostavlja sistem kontrole zvaničnika u Federaciji BiH prije potvrđivanja izbornih rezultata.

Narodna skupština Republike Srpske je u julu 2008. godine usvojila Zakon o sprečavanju sukoba interesa u organima vlasti Republike Srpske, a Brčko Distrikt je tokom 2003. godine usvojio Zakon o sukobu interesa u institucijama Brčko Distrikta koji je izmijenjen i dopunjen 2007. godine. Do danas je Federacija Bosne i Hercegovine bila jedini nivo vlasti koji nije imao nikakav zakon kojim se regulira ovo važno pitanje.

»Ovaj zakon je značajan jer se njime jača vladavina prava, propisno rukovođenje i borba protiv korupcije u Bosni i Hercegovini. Usvajanjem ovog zakona se uspostavlja mehanizam nadzora i sistem sankcija putem kojih će se osigurati propisna kontrola rada i ponašanja zvaničnika na javnim funkcijama u Federaciji Bosne i Hercegovine«, rekao je visoki predstavnik i specijalni predstavnik EU Miroslav Lajčák.